

Peredur Owen Griffiths AS  
Cadeirydd y Pwyllgor Cyllid

2 Awst 2023

## Amserlen y gyllideb 2024–25, a gweithdrefnau cyllidebol

Annwyl Peredur

Diolch am eich ymateb ar 7 Gorffennaf ynghylch yr amserlen arfaethedig ar gyfer cyllideb 2024–25. Nododd y Pwyllgor Busnes eich pryderon am yr amserlen yn ei gyfarfod ar 11 Gorffennaf.

Rydym yn nodi bod Llywodraeth Cymru, unwaith eto, yn cynnig gwyro oddi wrth Brotocol Proses y Gyllideb y cytunwyd arno ar sail drawsbleidiol rhwng y Senedd a'r Llywodraeth yn 2017. At hynny, rydym yn ymwybodol o'r pryderon cyffredinol a fynegwyd gan nifer o gadeiryddion pwyllgorau ynghylch yr amserlenni ar gyfer cynnal gwaith craffu ar y gyllideb yn y blynyddoedd diwethaf, yn enwedig gan ei fod yn disgyn dros gyfnod toriad y Nadolig, a'r anawsterau y gallai hyn eu creu o ran gwaith craffu.

Cadarnhaodd y Trefnydd fod y materion hyn wedi codi eto eleni oherwydd ansicrwydd ynghylch amseriad digwyddiad cyllidol hydref Llywodraeth y DU. Cawsom wybod hefyd gan y Trefnydd fod y Gweinidog Cyllid a Llywodraeth Leol yn bwriadu ymateb yn ysgrifenedig i nifer o'ch pryderon.

Er ein bod yn rhannu eich pryderon, cytunodd y Pwyllgor Busnes ar yr amserlen arfaethedig, gan ddwyn i ystyriaeth parodrwydd y Trefnydd i ailasesu dyddiadau cyhoeddi'r gyllideb ddrafft, os bydd cyhoeddiad y Canghellor ynghylch



**Senedd Cymru**  
Bae Caerdydd, Caerdydd, CF99 1SN

✉ [SeneddPwyllgorBusnes@Senedd.cymru](mailto:SeneddPwyllgorBusnes@Senedd.cymru)

☎ 0300 200 6565

**Welsh Parliament**  
Cardiff Bay, Cardiff, CF99 1SN

✉ [SeneddBusiness@senedd.wales](mailto:SeneddBusiness@senedd.wales)

☎ 0300 200 6565

digwyddiad cyllidol yr hydref yn ddigon cynnar i ganiatáu amser ychwanegol ar gyfer paratoi a chraffu.

O ystyried eich sylw – a oedd yn cwestiynu ymrwymiad parhaus Llywodraeth Cymru i'r Protocol a grybwyllwyd uchod – penderfynodd y Pwyllgor Busnes wahodd y Pwyllgor Cyllid i ystyried a yw bellach yn dymuno adolygu addasrwydd parhaus protocol y gyllideb, a gweithdrefnau cysylltiedig, yn sgil profiad y blynyddoedd diwethaf.

Diolch ichi am eich sylw o ran y mater hwn. Edrychwn ymlaen at ymgysylltu a chynnal deialog pellach ar y materion pwysig hyn.

Yn gywir



**Y Gwir Anrh. Elin Jones AS**

Y Llywydd a Chadeirydd y Pwyllgor Busnes

Copi i: Rebecca Evans AS, y Gweinidog Cyllid a Llywodraeth Leol

